

Informasjuunia sulle joka piethään registreerata BPSD-rejisterissä

Parempi laatu sinun hoijossa

Kansalinen laaturejisteri käytethään kehithään ja varmistamhaan hoijon ja huolon laatua. Rejisteri tekkee maholiseks ette seurata ylös ja parantaa hoijon ja huolon. Ja sen enemän jokka on mukana, sen varmemat on tulokset. Antamalla luvan ette tietoja Sinusta on laaturejisterissä Sie olet matkassa parantamassa hoitoa ja huoltoa.

Tämä tieto koskee BPSD-rejisteriä, ruottalainen laaturejisteri joka käsittelee Beteendemässiga och Psykiska Symptom vid Demens/Demensin Käyttäytymisten ja Psykkisitten Symtoomia. BPSD-rejisterin tavote on ette lisätä hyvinvointia ja vähentää kärsimisiä niiltä henkilöiltä joila on demensisairhaus, vähentämällä käyttäytymisen ja psykkisitten symtoomia (BPSD). Rejisterityö perustuu henkilökeskitethyin hoitotoiminthoin jokhaisen henkilön tarpheitten ja resyrsitten perusteela. Net tiot joita registreerathan on muun muassa hoitotoimintoja, henkilönumeroita, diagnoosia ja metesiiniä.

Ette saattaa kehittää ja varmistaa hoitoa ja huoltoa haluaa (mainitte hoijonantaja)

ilmottaa tietoja Sinusta BPSD-rejisterihin. Sinun tiot on salhaissuojattu ja otethaan pois kun niitä ei enää tartte. Sie saatat kans saa Sinun tiot poistetuks eli *kieltää* ette tulla registreeratuks.

Näin käsitelthään Sinun tietoja laaturejisterissä

Tietoja Sinusta keräthään sulta itteltä ja Sinun potilassjurnaalista. Tietoja saapi ainuasthaan käyttää ette kehittää ja varmistaa hoijon ja huolon laatua, tuottaa statistiikkaa sekä tutkimuksheen terhveys- ja siukkahoijossa ja huolossa. Se joka pittää käyttää tietoja näilä ylhäälä mainituila aloila saapi tiot käytettäväks salhaisuuskoen jälkhiin. Kun tutkimuksia pittää suorittaa tartethaan etiikkikoelautakunnan (EPN) hyväksynän.

Salhaisuus. Sinun tietoja suojaa salhaisuus joka perustuu Julkisuus- ja salhaisuuslakhiin. Se merkittee ette tietoja Sinusta saapi jättää ulos rejisteristä vain jos on selvä ettet Sie eli joku muu Sinun lähimäisista kokevat vahinkoa jos tieto jätethään ulos. Sen arvostelun tekkee rejisterin vastuussa oleva päämies.

Turva. Sinun tiot suojathan kontrollila joka on tekninen, rytiin kautta ja erikoisia oikeuven vaatimuksia. Se tehään ette vain hän jolla on tarve tioista saapi käyttää niitä varmala tavala.

Tioitten käytettävvyys. Sinun hoijonantaja saapi ottaa ossaa niistä tioista mitä net jättävät rejisterihin ja net jokka keskheisesti käsittelevät rejisteriä saattavat ja saavat ottaa ossaa Sinun tioista. Ei kukhaan muu hoijonantaja saata käyttää näitä tietoja.

Harvominen. Sinun tiot poistethaan kun niitä ei enää tarvita kehittämhään ja varmistamhaan hoijon laatua.

Oikeuven perusta

Kaikki jotka käsittelevät henkilötietoja häätyvät seisoa oikeuven perustala.

Nimi registreeratussa yksikössä;

ja Regionstyrelse Region Skånessa saapi kerätä ja registreerata tietoja BPSD-rejisteriin koska se piethään olevan tärkeä tehtävä yhteiskunnan yleisön kiinnostuksessa (art. 6.1 e). Met saama kans rejisterissä käsitellä tietoja terhveyvestä koska se on tärkeä syistä jotka kuuluvat yhteen virkametesiiinin kans ja ette tarjota terhveys- ja siukkahoitoa (art. 9.2 h). Meän henkilökunta, kuten Regionstyrelse Region Skånen henkilökunta sisältä sen lisäksi yks laissa päätetty vaitioloovelvolisuus (art. 9.3). Daattasuojamääräyksen mukhaan pittää kans olla jyriitinen tuki Ruottin lainsäädänössä kun käsitelthään laaturejisterin henkilötietoja. Sellaisia määräyksiä on potilaslain 7 kap. (2008:355).

Sinun oikeuksia

Sinun osalistuminen rejisteriin on vapaahtonen ja ei vaikuta siihen hoitohon mitä Sie saat. Sinun hoijonantaja, joka registreeraa tietoja Sinusta, on vastuussa ette registreerinki toimii korehtila tavala laaturejisteriin. Jos sie et halua ette sinun tietoja registreerathan, kontaktaa Sinun hoijonajtajaa.

Sulla on oikeus koska hyvänsä saa Sinun tiot poistetuks rejisteristä. Sie otat sillon yhteyttä BPSD-rejisterin kontaktihenkilön kans (kontaktitietoja on dokumentin lopussa).

Sie saatat saa tietoja mikä hoitoyksikkö ja millä aikana joku on ottanu ossaa Sinun tioista.

Sulla on oikeus saa korjatuks henkilötietoja sinusta jotka on väärät ja lisätä jos on puutheelisia henkilötietoja.

Sulla on oikeus ilmhaisesti tietää mikkä tiot joita on registreerattu Sinusta, niin kututussa rejisteriulosveoksessa. Sellainen hakemus pittää olla kirjallinen, allekirjotettu ja lähätetty kansalisen laaturejisterin kontaktihenkilölle. Osote alla.

Sulla on oikeus vissilä eelytyksilä vaatia ette henkilötioitten käsittely rajotethaan jos henkilötietojen faktoja kysenalaistethaan.

Kontaktitietoja

BPSD-registra

BPSD-registret

VO Kognitiv medicin

Ängelholms sjukhus

262 81 Ängelholm

Sweden

Kotisivu: www.bpsd.se

Telefooni: 040-33 55 78

E-posti: bpsd.sus@skane.se

Keskheinen henkilötienvastuussa (CPUA) päämies BPSD-rejisterile on Region Skåne

Toiminanpäällikkö Mikael Åström

E-posti: Mikael.Astrom@skane.se

Tietosuojambyytti: Kajsa Thelin

Tionohjaus, Dockplatsen, Malmö

E-posti: Kajsa.Thelin@skane.se

Hojionantaja

Tietosuojambyytti

Osote:

Telefooni:

E-posti: